

ՀԱՅԿԱԿԱՆ ԲԱՐԵԳՈՐԾԱԿԱՆ ԸՆԴՀԱՆՈՒՐ ՄԻՈՒԹԵԱՆ
ՆԱԽԱԳԱՀ ՊԵՐՃ ՍԵՂԻՄԱԿԵԱՆԻ ԽՕՍՔԸ

Մեծարգոյ Վարչապետ Յովիկ Աբրահամեան
լեռնային Ղարաբաղի Հանրապետութեան Մեծարգոյ Նախագահ Պագօ Սահակեան
Նորին Ս. Օծուրիւն Գարեգին Բ. Կաթողիկոս Ամենայն Հայոց
Մեծի Տանն Կիլիկիոյ Կաթողիկոս Նորին Ս. Օծուրիւն Արամ Ա.
Հայ Կաթողիկէ Եկեղեցւոյ Պատրիարք-Կաթողիկոս Ներսէս Պետրոս 19-րդ
Հայ Աւետարանական Եկեղեցիներու Համաժխարհային Խորհուրդի
Նախագահ՝Վերապատուելի Յովել Միքայէլեան
Յարգելի Պետական Ներկայացուցիչներ եւ գործակիցներ

Անձնապէս, նաեւ Հայկական Բարեգործական Ընդհանուր Միութեան
հայրենի ու աշխարհատարած կառոյցներուն եւ Կեդրոնական Վարչական Ժողովին
անունով, կ'ողջունեմ Հայաստան-Սփիւռք հինգերորդ այս համաժողովը:

Հ.Բ.Ը.Միութեան գոյատուրը եւ Հայ ժողովուրդին ու Մայր Հայրենիքի
բարօրութեան եւ հայ ինքնութեան պահպանումին ուղղուած անոր 108-ամեայ
գործունէութիւնը, բխած են «մէկ հայ ժողովուրդ» հասկացութենէն եւ ամբողջ
հայութեան համադրեալ ճիգերով գործելու անհրաժեշտութեան գիտակցութենէն:
Հետեւաբար, մեզի համար ողջունելի են Սփիւռքի Նախարարութեան
նախաձեռնութեամբ կազմակերպուած Հայաստան-Սփիւռք համաժողովները,
որոնցմէ իւրաքանչիւրը հասունացումի, առաւել փոխ-հասկացողութեան ու փոխ-

ըմբռնման եւ ուժերու ու կարողականութեան համադրումի նոր հանգրուան մը կը հանդիսանայ մեր ժողովուրդի տարասփիւռ զանգուածներուն եւ կառոյցներուն համար:

Համաժողովի կողմնորոշումը՝ հիմնուած Հայաստան-Արցախ-Սփիւոֆ գործակցութեան ընդլայնումին եւ զարգացման սկզբունքներուն վրայ, իր առաջնահերթութիւններով՝ կ'ընդգրկէ մեր ներկայի ազգային գլխաւոր մարտահրաւէրները:

Մենք բարձր կը գնահատենք Սփիւոֆի Նախարարութեան գործունէութիւնը, յանձին Նախարարուհի Հրանուշ Յակոբեանին, իր յանձնառու կեցուածքին ու Հայաստան-Սփիւոֆ յարաբերութիւններու զարգացման գործընթացին մէջ ցուցաբերած հասկացողութեան եւ կատարած նախաձեռնութիւններուն համար:

Մեր աշխարհասփիւռ ցրուածութեան պատճառով բարդ եւ դժուար յաղթահարելի են մեր ազգի դիմագրաւած մարտահրաւէրները ու յանախ խոցելի են մեր համայնքներէն շատերը: Բայց նոյն այդ իրականութեան մէջ է նաեւ մեր զօրութիւնը եւ ձեռք բերած տոկունութիւնը՝ որ կը խտանայ Հայաստան-Արցախ-Սփիւոֆ գործակցութեան ու զօրակցութեան կարգախօսին մէջ:

Հայաստան-Սփիւոֆ Հինգերորդ այս Համաժողովը կը կայանայ տարածաշրջանային ֆազաֆական ու ռազմական մտահոգիչ իրադարձութիւններու ծանր մթնոլորտին մէջ: Վայրագ ու այլամերժ խմբաւորումներու կողմէ ի գործ դրուող կործանիչ գործողութիւններն ու անոնց ստեղծած մարդկային ողբերգութիւնը, մեզ կը մղէ մեր կարելիութիւնները առաւելաբար տրամադրելու

տագնապի մատնուած հայ համայնքներու կարիքներուն: Այս կացութիւնը իր տարողութեամբ նաեւ կը շեշտէ հայրենի պետութեան դերին կարեւորութիւնը եւ Հայրենիք-սփիւռք, պետութիւն եւ եկեղեցի գործակցութեան անհրաժեշտութիւնը:

Այս կապակցութեամբ անցնող երկու տարիներուն մեր համընդհանուր նիգերը կեդրոնացան Սուրիահայութեան տագնապի դիմագրաւումին վրայ: Նոր զարգացումները անհրաժեշտ կը դարձնեն որ մենք ուշադիր ըլլանք նաեւ Իրաքահայութեան հզնաժամին եւ կարիքներուն:

Միաժամանակ, անհրաժեշտ է որ մեր ուշադրութիւնը եւ նիգերը կեդրոնացած պահենք մեր ազգային առաջնահերթութիւններուն վրայ, որոնք նիւթ պիտի դառնան համաժողովի նիւտերուն: Հայասփիւռքի զարգացող իրականութիւնը՝ աշխարհագրական, ընկերային, կենցաղային ու ինքնութեան բաղկացուցիչներով ու տակաւ ընդարձակուող նոր համայնքներով, յատկապէս երիտասարդ գործարար փայլուն նոր սերունդով, մեր Միութեան կողմնորոշումներու հիմքը կը կազմեն: Մեր Արեւելեան եւ Արեւմտեան սփիւռքները, որոնք գրեթէ մէկ դար անջատ էին իրարմէ, այսօր որպէս մէկ ազգ եւ մէկ ժողովուրդ կը համադրեն իրենց նիգերը ինքնավստահութեամբ դրսեւորելու համար մեր ազգի ներուժը ու նոր եւ հզօր կարելիութիւններով դիմագրաւելու մեր նոր իրականութիւնը:

Մենք լիովին կողմնակից ենք մեր գործելակերպը, կառոյցները եւ կազմակերպութիւնները վերատեսութեան ենթարկելու անհրաժեշտութեան՝ արդիւնաւորութեամբ դիմագրաւելու համար ազգային մարտահրաւերները: Ժամանակն է որ մեր ազգը՝ որպէս պետութիւն եւ ժողովուրդ՝ Հայաստան եւ

Սփիւոֆ, ձերբագատուի իր գոյութիւնը եւ ինֆնութիւնը պահպանելու տարրական մտահոգութենէն եւ անկէ բխող գործելակերպերէն, որոնք իր մէջ արմատացած են պատմական դառն փորձառութիւններու պատճառով: Անհրաժեշտ է որ մեր մտասէւեռումը ըլլայ Հայ ազգի առաւել բարգաւաճումը եւ հզօրացումը՝ ապագայի կերտումին հեռանկարով եւ համապատասխան գործունէութեամբ:

Հայասփիւոֆը գործօն դեր պէտք է ստանձնէ սփիւոֆի մէջ ժողովուրդներու եւ քաղաքակրթութիւններու երկխօսութեան եւ բարեկամական կապերու ամրապնդման, Հայաստանի վարկի զօրացման եւ Հայաստան-Սփիւոֆ եւ Սփիւոֆ-Սփիւոֆ կապերու աշխուժացումին ի նպաստ, մտասէւեռում ունենալով Հայաստանի հզօրացումը՝ ամուր պետականութեամբ, ընկերային զօրաւոր կառոյցներով եւ ժողովրդավար գործընթացով:

Մենք խորապէս կը գիտակցինք դարերու ընթացքին մեր ազգի գոյատեւումին եւ մեր դաստիարակութեան, ինֆնութեան ու մշակոյթի պահպանման ու զարգացումին ուղղութեամբ Հայ եկեղեցւոյ կատարած պատմական դերին:

Մայր Աթոռ Ս. Էջմիածնի հանդէպ անխախտ հաւատարմութիւնը մեր Միութեան կողմնորոշումի հիմքերէն մին հանդիսացած է միշտ: Մենք կը շարունակենք մեր զօրակցութիւնը եւ օժանդակութիւնը Հայ Եկեղեցիին եւ համայնֆային կեանքի զարգացման ի նպաստ անոր կատարած աշխատանքներուն: Յատկապէս երիտասարդ սերունդի կարիքներուն եւ արդի պահանջներուն

հաղորդակից հոգեւորականներու պատրաստութեան աշխատանքը առաջնակարգ կարեւորութիւն ունի մեզի համար:

Մեծի Տանն Կիլիկիոյ Կաթողիկոսութիւնը, շարունակելով իր պատմական դերը, Միջին Արեւելքի ներկայ քաղաքական փոքրամալուր իրականութեան մէջ, իմաստուն եւ շրջահայեաց առաջնորդութիւն կը ցուցաբերէ շրջանի մեր համայնքներուն, որոնք դժբախտաբար իբր արդիւնք տարածաշրջանային վերիվայրումներուն, պարբերական արտագաղթերով կը հեռանան դէպի այլ երկիրներ:

Հայ Եկեղեցւոյ մեր հասկացողութիւնը նաեւ կ'ընդգրկէ մեր նուիրապետական արժուները, որոնք իրենց գոհաբերումով, նուիրեալ գործունէութեամբ եւ արժէքաւոր ներդրումներով սատարած են մեր ազգի հոգեւոր արթնութեան եւ մշակութային գանձերու յայտնաբերումին ու պահպանումին:

Հայ Կաթողիկէ եւ Աւետարանական եկեղեցիները նոյնպէս, հակառակ իրենց փոքր թիւին, կարեւոր ծառայութիւններ կը մատուցեն մեր համայնքներու հոգեւոր, մշակութային եւ կրթական կեանքին: Եկեղեցիներու Համաշխարհային Խորհուրդէն ներս իրենց ներկայութեամբ նաեւ, անոնք կարեւոր դեր կը կատարեն այսօր:

Մենք, իբր համահայկական կազմակերպութիւն, շեշտակիօրէն կը շարունակենք մեր հայրենակեդրոն ուղղութիւնը, ընդարձակելով Հայաստանի մէջ մեր ներկայութիւնը եւ ծրագիրները, նաեւ բազմապատկելով աշխարհատարած մեր կառոյցներու գործունէութիւնը եւ համագործակցական նախաձեռնութիւնները ի նպաստ հայ մշակութային ժառանգութեան պահպանումին ու ծանօթացումին: Մենք

կ'աշխատին նաև միջազային գիտահետազոտական թէ մարդկային իրաւանց
երջանակներու մէջ մեր ժողովուրդի ազգային իրաւունքներու հետապնդման
ուղղութեամբ:

Այս առթիւ կը հաստատենք նաև մեր մնայուն տրամադրութիւնը
գործակցելու բոլոր այն կազմակերպութիւններուն եւ կառոյցներուն հետ, որոնք
իրենց նիգերը կ'ուզեն համադրել մէկ ժողովուրդ եւ հայրենի փայլուն ապագայ
կերտելու ձգտումով:

Բարի երթ ու յաջողութիւն կը մաղթենք համաժողովի աշխատանքներուն: